

Data 11.12.2023

PROCESVERBAL- TIPI I KONTRATËS - SHËRBIME

**PËR ARGUMENTIMIN DHE MIRATIMIN E TERMAVE TE REFERENCES DHE
KRITEREVE PËR KUALIFIKIM**

(Ky procesverbal është për efekt publikimi bashkë me dokumentet e tenderit)

OBJEKTI I PROCEDURËS: “Verifikimi dhe testimi i sistemeve të zjarrit në impiantet përgjatë gazsjellësit TAP”

KODI PËRKATËS NË FJALORIN E PËRBASHKËT TË PROKURIMIT (CPV): 35111500-0; 50324100-3; 50410000-2; 50531200-8; 73430000-5;

VLERA E FONDIT LIMIT: 8,294,217 (tetë milion e dyqind e nëntëdhjetë e katër mijë e dyqind e shtatëmbëdhjetë) lekë pa tvsh dhe/ose 81,555.72 (tetëdhjetë e një mijë e pesëqind e pesëdhjetë e pesë pikë shtatëdhjetë e dy) Euro;

Llogaritur sipas Kursit Zyrtar të Këmbimit të Bankës së Shqipërisë datë 11.12.2023, ku vlera e Euros është 101.70.

Në bazë të nenit 21, pika 2, të Ligjit nr.162/2020 “Për prokurimin publik”, nenit 2, pika 2/c dhe nenit 78, pika 2, të VKM nr. 285, datë 19.05.2021 “Për miratimin e rregullave të prokurimit publik” i ndryshuar, autoriteti/enti kontraktor **Albanian Gas Service Company SH.A** ka hartuar procesverbalin për argumentimin dhe miratimin e termave të referencës dhe kriterëve për kualifikim për procedurën e sipërcituar, me përmbajtjen si më poshtë:

I. KRITERET E VEÇANTA TË KUALIFIKIMIT:

1. Kandidati/ofertuesi duhet të dorëzojë:

a. Sigurim oferte, sipas Shtojcës 3;

b. Formulari përmbledhës i vetdeklarimit, sipas Shtojcës 9

Argumentimi: Kërkesat e mësipërme janë përcaktuar bazuar në nenet 76, 82 “Formulari përmbledhës i vetdeklarimit”, në nenin 83 “Sigurimi i ofertes”, të Ligjit Nr.162/2020 “Për Prokurimin Publik”, si dhe në nenin 30/1, të VKM-së Nr.285, datë 19.5.2021 “Për Miratimin e Rregullave të Prokurimit Publik, të ndryshuar.

2. Kandidati/Ofertuesi duhet të dorëzojë:

2.1 Kapaciteti ekonomik dhe financiar:

2.1.1 Për të provuar kapacitetet financiare dhe ekonomike, operatorët ekonomikë duhet të paraqesin vërtetim për xhiron vjetore për vitet financiare 2020, 2021, 2022 ku vlera e xhiros për të paktën një nga vitet e periudhës së kërkuar duhet të jetë jo më e vogël se 40 % të fondit limit të marreveshjes kuader.

Argumentimi: Kërkesa e mësipërme është përcaktuar bazuar në nenin 77, pika 3 të LPP, si dhe nenin 43, pika 2/c të VKM nr. 285, datë 19.05.2021 “Për miratimin e rregullave të prokurimit publik”, i ndryshuar, si dhe në legjislacionin e fushës në fuqi, përkatësisht në Ligjin nr. 8438, datë 28.12.1998 "Për tatimin mbi të ardhurat", i ndryshuar, VKM nr. 922 datë 29.12.2014 "Për deklarimin e detyrueshëm të deklaratave tatimore dhe të dokumenteve të tjera tatimore, vetëm nëpërmjet formës elektronike", si dhe në Udhëzimin e Ministrit të Financave nr.5, datë 30.01.2006, "Për tatimin mbi të ardhurat", i ndryshuar.

Përcaktimi i vlerës është bërë brenda kufirit të vlerës të përcaktuar në rregullat e prokurimit publik dhe paraqitja e një dëshmie të lëshuar nga administrata tatimore vërteton besueshmërinë dhe kapacitetet financiare që ka një operator ekonomik ofertues nëpërmjet xhiros të realizuar në një nga këto vitet e fundit. Është e rëndësishme që ofertuesi para se të dorëzojë ofertën të kuptojë dhe të vlerësojë aftësitë/mundësitë e tij që lidhen me kapitalin e nevojshëm për ekzekutimin me sukses të një kontrate të kësaj përmase që AK po prokuron.

2.2 Aftësitë teknike:

2.2.1 Operatori ekonomik duhet të paraqesë dëshmi për shërbimet e mëparshme, të ngjashme, të kryera gjatë 3 (tre) viteve të fundit, nga data e shpalljes së njoftimit të kontratës, në një vlerë jo më të vogël se 20 % të fondit të limit të Marrëveshjes kuadër.

Për të vërtetuar përvojën e mëparshme të ngjashme, operatorët ekonomikë duhet të paraqesin dëshmitë e mëposhtme:

- a) për përvojën e mëparshme të realizuar me sektorin publik, operatori ekonomik duhet të paraqesë vërtetime të lëshuara nga një ent publik për përmbushjen me sukses të kontratës, ku të shënohen vlera, afati i përfundimit të kontratës, dhe fatura tatimore të shitjes, të plotësuara sipas kërkesave të legjislacionit në fuqi, ku shënohen datat, shumat dhe shërbimet e realizuara.*
- b) për përvojën e mëparshme të realizuar me sektorin privat, operatori ekonomik duhet të paraqesë fatura tatimore të shitjes, të plotësuara sipas kërkesave të legjislacionit në fuqi, dhe të deklaruara në organet tatimore, ku shënohen datat, shumat dhe shërbimet e realizuara.*

Argumentimi: Kërkesa e mësipërme është përcaktuar bazuar në nenin 77 të ligjit nr. 162, datë 23.12.2020 “Për prokurimin publik” dhe në nenin 55, pika 4 të VKM nr. 285, datë 19.05.2021 “Për miratimin e Rregullave të Prokurimit Publik”. Me anë të këtij kriteri kërkohet që operatorët ekonomikë të dëshmojnë që kanë përvojën e nevojshme për të zbatuar kontratën që AK kërkon të realizojë, prandaj është kërkuar që shërbimet e mëparshme të ngjashme të jenë në vlerën jo më pak se 20% të vlerës së fondit limit të Marrëveshjes kuadër, që është brenda vlerës kufi të përcaktuar në nenin e sipërcituar.

Përcaktimi i vlerës së kërkuar për kontratat e ngjashme është vendosur brenda kufirit të vlerës të përcaktuar në rregullat e prokurimit publik dhe i shërben AK për të treguar se ofertuesit me

kapacitetet e tyre kanë realizuar kontrata të ngjashme me objektin që prokurohet në vlerën prej 20 % të fondit limit të MK, në afat dhe me cilësi dhe rrit besueshmërinë mbi përvojën që ka ofertuesi në treg. Përvoja e ngjashme është një “kompetencë thelbësore”, ndaj operatorët ekonomikë duhet të paraqesin dëshmi të tilla si referenca/fatura tatimore për ta provuar kryerjen e tyre qoftë me sektorin privat dhe atë publik.

2.2.2 Operatori ekonomik duhet të paraqesë Çertifikatë për Sistemin e Menaxhimit të Cilësisë ISO 9001:2015, e cila duhet të jetë në fushën e objektit të prokurimit.

2.2.3 Operatori ekonomik duhet të paraqesë Çertifikatë për Sistemin e Menaxhimit të Mjedisit ISO 14001:2015, e cila duhet të jetë në fushën e objektit të prokurimit.

2.2.4 Operatori ekonomik duhet të paraqesë Çertifikatë për Sistemin e Menaxhimit të Shëndetit dhe Sigurisë në Punë ISO 45001, e cila duhet të jetë në fushën e objektit të prokurimit.

Të gjitha çertifikatat e mësipërme të jenë lëshuara nga një organ i vlerësimit të konformitetit, i akredituar nga organizmi kombëtar i akreditimit ose organizma ndërkombëtarë akreditues, të njohur nga Republika e Shqipërisë.

Argumentimi Kërkesat e mësipërme janë vendosur bazuar në nenin 79, pika 1 e Ligjit nr. 162, datë 23.12.2020 “Për prokurimin publik”, si dhe në nenin 44 “Kërkesat e Cilësisë” të VKM-së nr.285, datë 19.05.2021 “Për miratimin e Rregullave të Prokurimit Publik”.

Nisur nga norma ndërkombëtare që përfaqëson ISO-ja 9001:2015 “Sistemi për Menaxhim të Cilësisë”, aplikohet për kompani të ndryshme përfshirë këtu edhe shoqëritë që ushtrojnë aktivitet tregtar në fushën e funksionimit dhe mirëmbajtjes së sistemit të detektimit, sinjalizimit dhe mbrojtjes nga zjarri pavarësisht madhësisë apo kompleksitetit që ato kanë ose fushës së veprimtarisë që ato ushtrojnë. Vendosija e ISO 9001:2015 na shërben për të na treguar sistemin e administrimit të shoqërisë, zotësinë e operatorëve ekonomikë për zbatimin e kërkesave të vazhdueshëm të tij për të siguruar konformitetin në zbatimin e kërkesave. Disponimi i kësaj ISO-je rrit kompetivitetin, besueshmërinë dhe performancën e subjektit tregtar në treg, ndaj duke qenë se është e lidhur ngushtësisht me objektin e prokurimit dhe nuk kufizon konkurrencën, OE duhet ta paraqesin atë.

Duke qenë se, shërbimet mirëmbajtjes së sistemit të detektimit, sinjalizimit dhe mbrojtjes nga zjarri të parashikuara në këtë kontratë do të realizohen në terren përgjatë shtrirjes së taubacionit të gazit TAP, ku ushtron aktivitet AGS sh.a, është e domosdoshme që operatorët ekonomikë ta disponojnë edhe Standartin ISO 14001:2015 “Sistemi manaxhimit të mjedisit”. Kjo ISO është e lidhur me mjedisin dhe ndihmon në përmirësimin e imazhit të shoqërisë në lidhje me klientet e saj, komunitetin dhe autoritetet kontraktore. Në të njëjtën kohë manaxhimi i duhur i ceshtjeve lidhur me mbrojtjen e mjedisit dhe parandalimin e ndotjeve ndihmojnë në rritjen e konkurrencës së shoqërisë shoqëruar me uljen e shpenzimeve. Angazhimi për mbrojtjen e mjedisit është një kriter

madhor ne zgjedhjen e nje prodhuesi kurse metoda me e thjeshte dhe me efikasitet per te shfaqur kujdes ndaj problemeve lidhur me mjedisin eshte zbatimi i nje sistem menaxhimi per mjedisin ne konformitet me parashikimet e standartit nderkombetar ISO14001. Perfitimet kryesore per kete sistem manaxhimi jane: paraqitja e angazhimit per mbrojtjen e mjedisit nga klienti, investitoret potenciale, komuniteti, autoritetet; zvogelimin e shpenzimeve nepermjet permiresimit te administrimit mbeturinave dhe uljen e konsumit te burimeve; parandalimin e incidenteve te mundshme qe mund te coje ne pagesen per demshperblim dhe deme; permiresimin e marredhenieve me autoritetet; mundesi per hyrje ne tregje te reja. Per sa me sipër, vendosja e kësaj ISO është në proporcion me objektin që AK po prokuron.

Standarti ISO 45001 përfaqëson një standard ndërkombëtar që përcakton kërkesat për një sistem menaxhimi të shëndetit dhe sigurisë në punë të punonjësve të kompanisë me udhëzime për përdorimin e tij, për të mundësuar një organizatë që të përmirësojë në mënyrë proaktive performancën e shëndetit dhe sigurisë në punë të punonjësve të saj. Kjo ISO ka për qëllim të jetë e zbatueshme për çdo organizatë përfshirë dhe subjektet tregtare pavarësisht nga madhësia, lloji dhe natyra e saj. Për më tepër, që në kriteret teknike AK ka kërkuar ndër të tjera që operatorët ekonomikë të disponojnë një staf të caktuar, minimal prej 4 punonjës, të cilët duhet ti sigurojnë AK shërbimin e nevojshëm gjatë gjithë periudhës që do të shtrihet kontrata.

Në këtë kuptim, AK në vendosjen e kriterëve të mësipërme kërkon garanci në lidhje me përmbushjen me sukses dhe në afat të kontratës nga ana e operatorëve ekonomikë, të cilët duhet të dëshmojnë performancën e shëndetit dhe sigurisë në punë të punonjësve të tyre. Në objektin e kontratës janë parashikuar shërbime me kimikate/helme, të cilat rrezikojnë në mënyrë të vazhdueshme jetën dhe shëndetin e punonjësve që do të angazhohen, kështu që rrjedhimisht kërkesa për këtë certifikatë është një kërkesë e nevojshme.

Gjithashtu argumentojmë se, politikat e AGSco Sh.A. për sigurinë dhe shëndetin në punë kanë një rol thelbësor për të gjitha llojet e aktiviteteve që ushtrohen, kerkese kjo si kontraktuale ndërmjet nesh edhe TAP ashtu edhe ndërmjet nesh edhe të gjithë palëve të treta (sic janë operatorët ekonomikë) që lidhin kontratë me AGSco dhe do të kryejnë aktivitetet furnizimi, trajnimi dhe shërbimi.

*2.2.5 Operatori ekonomik për realizimin me sukses të kësaj kontrate duhet të disponojë fuqi punëtore minimumi **4 persona** me kualifikimet si më poshtë:*

- 1 (një) ekspert zjarrfikës të çertifikuar nga institucioni përkatës i Ministrisë së Punëve të Brendshme.
- 1 (nje) person pergjegjes per HSE i cili luan rolin e koordinatorit te HSE të çertifikuar (NEBOSH, IOSH ose ekuivalente me to)
- 2 (dy)persona me eksperience ne fushen e mbrojtjes dhe shpetimit nga zjarri.

Plotësimin e kërkesave të mesiperme, operatori ekonomik duhet ta provojë nëpërmjet dorezimit të këtij dokumentacioni:

- i. *Listë pagesat e tre muajve të fundit nga data e zhvillimit të tenderit.*

- ii. Per ekspertin zjarrfikës, duhet të paraqitet certifikata e leshuar nga institucioni perkates, kontrata e punës e vlefshme, diplomë/certifikatë.
- iii. Per personin pergjegjes per HSE duhet të dorëzohet certifikatat dhe CV perkatese.

Për përmbushjen e këtij kriteri, operatorët ekonomikë duhet të vetëdeklarojnë disponimin e numrit minimal të punonjësve në formularin përmbledhës të vetëdeklarimit sipas shtojcës 8 të DT. Ndërsa dokumentat e kërkuara më sipër do të paraqiten nga OE që shpallet fitues.

Argumentimi: Në bazë të pikës 4, të nenit të 77, të ligjit nr. 162, datë 23.12.2020 “Për prokurimin publik” dhe nenit 41, pikat 4/ b) dhe c), të VKM nr.285, datë 19.05.2021 “Për miratimin e Rregullave të Prokurimit Publik”, me anë të këtij kriteri kërkohet që operatorët ekonomikë të dëshmojnë që kanë stafin, personelin e nevojshëm të kualifikuar për realizimin me sukses të kontratës. Referuar natyres se shërbimeve që prokurohen sqarojmë se stafi teknik i kualifikuar profesionalisht është kërkuar ne raport me shërbimet qe kërkohen te realizohen te cilat jane elektrike, mekanike etj. në tubacionin e gazit që ka një presion operimi prej 95 Bar, përfshirë edhe stacionet e valvulave dhe kompresorëve, ndaj AGSco e sheh të domosdoshme që për funksionimin e sigurve të këtyre impianteve, për të ruajtur standardet e sigurisë së funksionimit dhe sigurinë e punonjësve që operojnë dhe mirëmbajnë këto impiante është d.m.d gatishmëria e personelit të kualifikuar të operatorit ekonomik fitues.

Gjithashtu për shkak se tubacioni është shtrirë në një territor të konsiderueshëm në Shqipëri dhe në vendet në zona shumë të largëta dhe për shkak të numrit të madh të impianteve të vendosura në vende të ndryshme, për të kryer shërbimet sipas specifikimeve teknike, kërkohet që numri minimal të jetë prej 4 personash, kualifikimet perkatese dhe eksperiencia per aktivitetet qe jane pershkruar ne termat e references. Kontrolli dhe mirembajtja mund të bëhen në të njëjtën kohë në shumë stacione të valvulave dhe në stacionin e kompresorit dhe matjes me vendndodhje të ndryshme gjeografike.

2.2.6 Operatori ekonomik për realizimin e kontratës duhet të disponojë mjetet dhe pajisjet e nevojshme teknike në pronësi ose qira për ekzekutimin e kontratës sipas tabelës më poshtë:

Aparate matese		
1	Multimetër dixhital për matjen e tensionit DC, tensionit AC, rrymës DC, rezistencës, kapacitetit, frekuencës, temperaturës. Aparati duhet te jete i paisur me certifikate te vlefshme akreditimi.	1
2	Detektor gazi portabel ne gjendje mase perqendrimin e gazrave te meposhtem ne rezolucionin e kerkuar. Methane - 0-100% LEL / 0 - 100% vol 1% LEL / 1% vol	2
3	Manometer per matjn e presionit (analog) te masi vlera presioni 0-20 bar	2

4	<p>Paisje per testimin e sensoreve te flakes te pershkruar ne specifikime teknike. (Llampe testimi portabel)</p> <p>Llambë për aplikime në zonat me atmosfere potencialisht shperthyese.</p> <p>Te jete ne gjendje te testoje detektoret e flakes UV, IR dhe UV / IR</p> <p>Diapazoni i testimin te Detektoreve te flakës UV, IR dhe UV / IR duhet te jete min 30 - 60 cm (1 - 2 ft)</p> <p>Diapazoni i testimin te Detektoreve te flakës: Max 5 m ose(16 ft)</p> <p>Pesha : Max 4 kg</p> <p>Diapazoni i temperatures se punes: -15 oC deri ne +50 oC</p> <p>E certifikuar per te punuar ne atmosfera potencialisht shperthyese . (ATEX)</p>	1
5	<p>-Bombul per per testimin e detektoreve te gazit te pershkruar ne specifikime teknike, e mbushur me gas kalibrues 2.5 % metan, e certifikuar. Bombola te jete e paisur me reduktorin perkates ne gjendje te siguroje nje kalim konstant gazi.</p> <p>-Koka e kalibrimit e cila vendoset tek gaz detector.</p>	1
6	<p>Paisje portabel per testimin e sensoreve te tymit dhe nxehtesise APOLLO, ORB-OH-53028-APO e kompletuar bombul tymi sebashku me krahun teleskopik .</p> <p>Pesha max 10 kg</p> <p>Bombola te jete me tym jo toksik.</p>	1
Automjet		
7	<p>Auto laborator profesional të tipit (ATV), i cili do të mundësojë kryerjen e të gjithë shërbimit të kërkuar në impiant. Ky mjet duhet të realizojë rimbushjen dhe kolaudimin e fikseve të zjarrit të pershkruara ne termat e references “AGS-TSP-001 - Fire and Gas Specifikime Teknike” dhe “ANEKSI 1 Te dhena teknike te paisjeve dhe sistemeve te mbrojtjes nga zjarri”.</p>	1

Plotësimin e kërkesava të mesiperme, operatori ekonomik duhet ta provojë nëpërmjet këtij dokumentacioni:

- Për pajisjet, duhet të dorëzojë faturat e blerjes ose kontratën e qirasë si dhe katalogun e prodhuesit ku te specifikohen qarte te dhenat teknike të kerkuara në tabelë.

- Për auto laboratorin, operatori ekonomik duhet të dorëzojë skeden teknike ku të specifikohen qartesisht proceset e punes per te cilat eshte prodhuar.

Ne rast se mjeti është në pronesi, duhet të dorëzojë:

- dokumentin që vërteton pronësinë (çertifikatën e pronësisë së mjetit rrugor);

- dokumentin që vërteton regjistrimin e mjetit (leje qarkullimi);

Ne rast se mjeti nuk është në pronësi të ofertuesit duhet të dorëzojë:

- kontrata e qerase/huapërdorjes dhe cdo dokument provues

- dokumentin që vërteton regjistrimin e mjetit (leje qarkullimi);

Për përmbushjen e këtij kriteri, operatorët ekonomikë duhet të vetëdeklarojnë disponimin mjeteve në formularin përmbledhës të vetëdeklarimit sipas shtojcës 8 të DT. Ndërsa dokumentat e kërkuara më sipër do të paraqiten nga OE që shpallet fitues.

Argumentimi: Vendosja e këtij kriteri bazohet Në bazë të pikës 4, të nenit të 77, të ligjit nr. nr. 162, datë 23.12.2020 “Për prokurimin publik” dhe nenit 41, pika 4/ ç, të VKM nr. 285, datë 19.05.2021“Për miratimin e Rregullave të Prokurimit Publik”, me anë të këtij kriteri kërkohet që operatorët ekonomikë të dëshmojnë që kanë në dispozicion apo që mund t’i vihen në dispozicion mjetet dhe pajisjet teknike për të përmbushur kontratën, të nevojshme për ekzekutimin e objektit të prokurimit.

Persa i perket paisjeve te kerkuara ne tabelen e mesiperme argumentojmë se:

- Paisja numer 1 sherben per verifikimin e tensionit, rrymes, dhe të rezistences eshte nje paisje qe sherben per matjen dhe verifikimin e funksionalitetit te paisjeve elektrike te pershkruara ne specifikime teknike.
- Paisja me numer 2 ne tabelen e mesiperme eshte nje detektor portabel gazi. Duke pasur ne konsiderate qe ne brendesi te stacioneve te TAP ndodhet atmosfere potencialisht shperthyese atehere detektori i gazit eshte nje paisje e detyrueshme per te garantuar sigurine e personelit qe do te qendroje ne brendesi te ketyre impianteve.
- Grupi i paisjeve 3-6 sherbejne per kryerjen e aktiviteteve te pershkruara ne specifikime teknike dhe ne per te kryer testimin e paisjeve te pershkruara ne dokumentin AGS-SPC-001.

Nevoja e mjetit, auto laborator lind pasi mjeti duhet parkohet jashtë çdo impianti ne momentin qe do te kryhet rimbushja/ricertifikimi i bombulave. Gjithashtu do te lejoje te realizohen riparime ose zevendesime te pjeseve ose komponenteve te fikjeve te zjarrit ne nje kohe te shkurter.

Kjo do të lejojë një proces më të shpejtë ricertifikimi/rimbushjeje apo riparimi te fikseve te zjarrit, duke shmangur mungesen fikseve ne impiant dhe per rrjedhoje lenien e impaintit kritik pa mbrojtjen e projektuar nga zjarri.

I gjithë procesi do te monitorohet nga ekspertet e AGSCo dhe TAP, te cilet ndodhen prane impainteve ne cdo dite te vitit, ne menyre qe te garantohet nje rimbushje dhe kontroll ne perputhje me standardet e sigurise te mbrojtjes nga zjarri.

2.2.7 Operatori ekonomik për realizimin e kësaj kontrate duhet të vetëdeklarojë se nëse do të shpallet fitues do vërë ne dispozicion te AK para se të nënshkruaj kontratën dhe planin zbatimit të saj, dokumentat e meposhteme te cilat janë të domosdoshme per te realizuar kontraten me AK dhe gjithashtu per te garantuar aksesin dhe realizimin e kontrates me sukses ne ambientet e TAP.

- Planin e sigurise dhe shendetit ne pune pefshire vleresimin e rrezikut
 - Certifikaten e trajnimit te punonjesve per dhenien e ndihmes se shpejte
 - Certifikaten e trajnimit te punonjesve per sigurine e paisjeve elektrike
 - Certifikaten e trajnimit te punonjesve per sigurine e eneve ne presion
 - Certifikaten e trajnimit per zonat ATEX (Atmosfere potencialisht Shperthyese)
 - Certifikatë e aftë për punë, e nënshkruar nga mjeku i punës
 - Metodologjite e punes (Method Statement) per proceset e punes pershkruar ne seksionin 7 te specifikimeve teknike AGS-TSP-001 si me poshte:
- o *Kontrulli i sistemit te alarmit te zjarrit*

- *Kontrolli dhe rimbushja e fikseve të zjarrit portabël*
- *Kontrolli i sistemit të fikjes me gaz inert (godina elektirke)*
- *Kontrolli i sistemit të fikjes se turbinave me CO₂ (sistemi mbrojtës i turbinave)*
- *Testi funksional hidranteve dhe rrjetit të hidranteve*
- *Kontrolli i tubave të hidranteve*
- *Kontrolli i rezervuarit të ujit në sistemin e zjarrit*
- *Kontrolli dhe testi funksional i pompes jockey*
- *Kontrolli dhe testi funksional i pompes elektrike*
- *Kontrolli dhe testi funksional i pompes diesel*
- *Kontrolli i sistemit të sprinklerave*
- *Kontrolli i sistemit të shkumës*
- *Kontrolli i daljeve emergjences dhe kontrolli i sinjalistikës së emergjences*

Kërkesa të tjera të veçanta për kualifikim

2.2.8 Operatori ekonomik duhet të deklarojë se do zbatojë rregullat e percaktuara në Kodin e Etikës të AGS SH.A lidhur me realizimin e objektit të kësaj kontrate. (ky kod është i publikuar në SPE së bashku me DT).

Argumentimi: Kërkesa e mësipërme është përcaktuar bazuar në nenin 41/6 të VKM nr.285, datë 19.05.2021 “Për miratimin e Rregullave të Prokurimit Publik” i ndryshuar ku parashikohet se: Autoriteti/enti kontraktor, përveç kërkesave të parashikuara në këtë nen, mund të përcaktojë kritere të tjera të veçanta, në varësi të objektit që prokurohet, të cilat i vlerëson të nevojshme për ekzekutimin me sukses të kontratës.

AGS SH.A është një shoqëri shërbimesh operative, përgjegjëse për kryerjen e veprimtarisë së mirëmbajtjes dhe shërbimeve teknike për Trans Adriatic Pipeline AG sipas Marrëveshjes së Mirëmbajtjes midis Trans Adriatic Pipeline AG dhe AGSco. Ndaj AGSco në marrëdhëniet me biznesin, bazohet dhe ndjek parimet e besnikërisë, korrektësisë, transparencës, efikasitetit dhe tregut të lire, parime këto të përcaktuara jo vetëm në legjislacionin e prokurimit por edhe në Kodin e Etikës të shoqërisë. Në këtë Kod janë përcaktuar edhe rregullat mbi (praktikat korruptive, favorët e paligjshme, marrëveshjet e fshehta dhe kërkesat për përfitime personale për veten ose të tjerët etj.), që grupet e interesit (përfshirë ofertuesit) duhet t’i vlerësojnë nëse ato kërkojnë të bashkëpunojnë me AGS SH.A, prandaj përpara se operatorët ekonomikë të ofertojnë duhet të njihen dhe marrin përsipër t’i zbatojnë këto rregulla. Për më tepër, argumentojmë se këto rregulla nuk bien ndesh me rregullat e prokurimit publik, prandaj është vlerësuar nga ana jonë edhe vendosja e kriterit se operatori ekonomik duhet të vetëdeklarojë se do zbatojë rregullat e përcaktuara në Kodin e Etikës të AGS SHA që kanë lidhje me realizimin e objektit të kësaj kontrate.

II. Argumentimi i termave të referencës dhe specifikimet teknike

Termat e Referencës dhe specifikimet teknike janë hartuar duke marrë në konsideratë detyrimet që rrjedhin nga nevojat e Autoritetit Kontraktor, për shërbimin objekt procedure prokurimi, natyrën e shërbimit dhe afatin kohor për realizimin e këtij shërbimi si dhe bazuar në nenin 36 të Ligjit Nr. 162/2020 “Për prokurimin publik”, në nenin 41/1 të VKM nr.285, datë 19.05.2021 “Për miratimin e Rregullave të Prokurimit Publik” i ndryshuar.